

SANDŽAČKI ODBOR ZA ZAŠTITU
LJUDSKIH PRAVA I SLOBODA
Novi Pazar

Br. _____

primijeno dana 29. 03. 1995. B.

SANDŽAČKOM ODBORU ZA
ZAŠTITU LJUDSKIH PRAVA I SLOBODA
NOVI PAZAR

IZJAVA

Muhedin Bijuljanin iz Sjenice, ul. Pešterska br. 16, rođen 13.07.1963.
l.k. br. 29376 SUP Sjenica, po zanimanju dipl. politolog.

Kao predstavnik Kulturnog društva Muslimana Sandžaka "Preporod" Sjenica i to predsjednik Društva prof. Ismet Tandirović, gen. sekretar Muhedin Bijuljanin i vozač Rahman Karišik, pošli smo, dana 28.02.1995. godine, na službeni put u redovnu posjetu i obilazak ogranaka Društva po gradovima Sandžaka.

Dana 01.03.1995. godine, oko 8 sati i 30 minuta izjutra, zaustavljeni smo u centru Berana od strane patrole MUP-a Crne Gore. Nakon pregleda ličnih dokumenata, rečeno nam je da izadjemo iz auta. Napolju su nas pretresli. Primjetivši novinarsku torbu pitali su čija je i, bez ikakvog pitanja, otvorili je. Pregledali su dokumenta Društva koja su bila u torbi (blanko članske karte i pristupnice, Statut i rješenje o registraciji Društva, rješenja za rad ogranaka i druga prateća dokumenta Društva). Pitali su šta je to. Odgovorio sam da smo mi predstavnici Kulturnog društva Muslimana Sandžaka "Preporod" iz Sjenice i da su to službena dokumenta Društva. Pošto su bili neposredno pored nas, osjećalo se da su pod dejstvom alkohola. Uzeli su nam podatke uz teško izgovaranje i pisanje imena i prezimena. Nakon toga udaljili su se od nas, ponevši nam sva dokumenta. Pregledavali su i "proučavali" neko vrijeme dokumenta i sa nekim se konsultovali radio vezom. Nakon pola sata stiglo je drugo policijsko vozilo i nama je naredjeno da podjemo za njima.

Nakon nekoliko minuta vožnje, privedeni smo u Stanicu milicije u Beranama. Tu smo ponovo pretreseni i još jednom su nam uzeti podaci, iako su nam lična dokumenta već bila oduzeta. Prilikom pisanja imena, osim teškog izgovaranja, čula se i primjedba "kakva su vam to imena". Rečeno nam je da stojimo tu u holu i čekamo. Vozača i potpredsjednika MFID "Merhamet-Sandžak" Pododbor Sjenica, Rahmana Karišika povelili su sa sobom i izvršili mu detaljan pretres auta. Rasklapajući pojedine dijelove auta pitali su što mu je npr. auspuh takav kakav je, što je tapacir na vratima takav, i slično, uz provokacije oko imena. Nakon dvadesetak minuta on se vratio a na osnovu izraza lica moglo se primjetiti da je prilikom pretresa doživio mnogobrojne provokacije, što je on kasnije i potvrdio. Svo vrijeme dok smo boravili u holu

Stanice milicije, pripadnici MUP-a, oni koji su nas priveli i neki drugi sa nekakvim činovima, užurbano su se kretali gore-dolje, noseći sa sobom naša dokumenta. Na velikoj hladnoći, držani smo tako, u holu preko jedan i pol sat. Nakon toga pozvan je predsjednik Društva prof. Lemet Tandirović u posebnu kancelariju na spratu. Tamo mu je neki od službenika Državne bezbjednosti (nije se predstavio) rekao da ih naša dokumenta ne interesuju, a na primjedbu Predsjednika "zbog čega smo onda zadržani preko dva sata" odgovorio je da je to rutinski pregled i da to tako mora. Prof. Tandirović mu je na to odgovorio da, ako se bude nastavilo ovako sa nama, nećemo kući stići ni za tri dana, "pa bih vas zamolio da javite drugima da nas na putu više ne maltretiraju", na šta je dotični rekao da smo sada slobodni i da mi ne treba da se miješamo u njihov posao. Vratili su nam dokumentaciju koju su nam bili zaplijenili a, nakon pregleda iste, primjetili smo da nedostaje jedna blanko članska karta Društva. Tražili smo da nam se vrati ali nam je rečeno da oni ne znaju gdje je. Poslije sat vremena, prilikom izlaska iz Berana, vidjevši registraciju auta, opet nas je zaustavila patrola MUP-a. Tražena su nam dokumenta i ponovo nam je rečeno da izađemo iz auta. Rekli smo da smo upravo napustili Stanicu milicije gdje smo bili privedeni, na šta su nas ovi pustili uz komentar "a, to ste bili vi".

Istoga jutro, oko 5 sati izjutra, obzirom da smo dosta rano krenuli iz Ptava gdje smo noćili, u mjestu Murino, takodje nas je zaustavljala patrola MUP-a. Rečeno nam je da izađemo iz auta, što smo i uradili, a potom su nam uzeli lična dokumenta i sve nas, napolju, detaljno pretresli. Izvršili su detaljan pretres auta i, uz "nerazumijevanje" naših imena, uzeli nam podatke a nakon više od pola sata zadržavanja pustili nas. ↵

U Sjenici,
29.03.1995.god.

Izjavu dao,
Muhedin Bijuljarić
Muhedin Bijuljarić